

ANGUNIAKKAT



Folketingimut Qinersineq 2026

Nunarput nukittunerusoq piviusorsiortumik politikkilik

Nunarput pisoqarfiugaatsiartup qiterpiaaniippoq. Naalagaaffeqatigiinnermi sapiissuseqarluta ataatsimut oqaluttuarisaanerput qiviarsinnaasariaqarparput – pisimasut ilungersunartut ajunnginnerusullu ilinniutigalutigit - tassuunakkut oqarsinnaassuseqarluta iliuuseqarniassagutta. Nunarsuarmi pissutsit assigiiaginnanngillat, pissutsinili assigiinngisitaarfiusuni naligiinnermut ataqatigiinnermullu maligassiuusuusussaavugut. ATASSUT-mit inuk qitiutipparput. Inuiaqatigiit nutaaliaasut inissaqartitsisullu kinguaariit tulluuttut tulluusimaarlutik kingornussassa at anguniarlugit sulivugut. Iliuuseqarsinnaaneq akisussaassuseqarnerlu, oqaluinnarnermiit toqqarparput.

Naligiimmik naalagaaffeqatigiinneq: Ilaqutariinnut naapertuilluarneq

Nunatsinni kinguaariinnut siunissamik qulakkeerinninniassagutta, taava ATASSUT-mit isumaqarpugut, ilaqutariit pisariaqartikkaat toqqissisimanissaq aningaasaqarnikkullu tunngavissaqarluarnissaq, Naalagaaffeqatigiiffimmi sumi inuuneqarneq apeqqutaanani.

Atukkatigut pissutsit piviusut

Tamanna pisortanit sullinneqarnermi namminerlu aningaasaqarnermi atuuppoq. Qulakkeertariaqarparput inuuniarnermi aningaasartuutitut, meeqqanut tapisiat aningaasatigullu ikiorsiisarnerit ilaqutariit pisariaqartitaannut naleqquttuunissaat, meeqqat sumi najugaqarnerat peqqutigalugu annikilliortinneqassanngimmata. Uatsinnut Naalagaaffeqatigiinneq tassaavoq aningaasaqarnikkut naligiinneq piorsarsimassutsikkullu ataqpeqatigiinneq; ilaqutariit kikkulluunniit meeqqaminnik toqqissisimasumik peroriartortinnissaannut assigiinnik tunngavissaqartinneqartariaqarput, apeqqutaanani nunatsinni imaluunniit Danmarkimi najugaqarneq.

Qajannaatsumik arlariinnillu aallaavilimmik aningaasaqarneq

Atassutip sulissutigerusuppaa, siunissami Naalagaaffeqatigiinnermi arlariinnik aallaaveqartumik qajannaannerusumillu aningaasaqarniarnissaq. Ataatsimut aningaasaqarniarnikkut tunngavitta nukittorsarneqarneratigut, qulakkiissavarput Nunatta nunarsuarmioqatigiinni allanngorarfiusumi nukittunerusumik akiuussinnaassuseqarnissaa, tamannalu tunngaviliisuussaaq ungasinnerusumi innuttaasut tamarmik atugarissaarnerulernissaannut toqqissisimanerulernissaannullu.

Ataqpeqatigiinneq naligiinnerlu

Naalagaaffeqatigiinneq nukittoq ataqpeqatigiiffiusorlu kissaatigaarput, naligiimmik suleqatigiittuni naapitsiffiusoq. Tamakkiisumik naligiittoqartariaqarpoq Nunatta, issittup avannaani aammalu nunanut allanut tunngasunik tamakkiisumik sillimaniarnertigut aaliagiisoqartillugu. Nunarput inuilu toqqaannartumik pineqartillugit, Nunatta nipaa ersarissuusariaqarpoq sunniuteqaqataaffiullunilu.

Ammasuuneq isumaqatigiissutsillu ersarissut

Naligiinnermik aamma ersarissumik piumasaqaateqarfiusumik tunngaveqarluni suleqatigiinnerit ingerlanneqarnissaat piumasarissavarput. Suleqatigiinnermi isumaqatigiissutit akisussaaffiillu, kiap suut akisussaaffiginerai nalornisoqarani, ersarissuussapput. Inuiattut kinaassuserput ataqpeqqissaarneqassaaq - piorsarsimassutsikkut inuiaqatigiittullu.

Illersornissaq sillimaniarnerlu - Pilersaarusiukkamik toqqissisimatitsineq naapertuilluarnerlu

Kalaallit Nunaat nunarsuarmioqatigiit akornanni politikkikkut pingaarutilittut inissisimalersimavoq. Taamatut nutaamik inissisimalernerup pisariaqalersippaa, nammineq sillimaniarnikkut naapertuilluarnikkullu akisussaaffiup tigunissaa, tassuunakkut nunarsuarmioqatigiit ilutsinni toqqissisimanermik aallaavilimmik nukittuumillu tunngaveqarluta kiinnerfigisinnaassagatsigit.

Nuna tamakkerlugu politeeqarneq - pinerluttoqarsimanerani paasiniaasarnerit annertusassapput

Kommuunini tamani qulakkeerniarpavut politiit ersarinnerunissaat naammattunillu atugassaqartinnissaat. Kinaluunniit sumiikkaluaruniluunniit toqqissisimasussaavoq. Sumiiffinniinnissaannaq pineqanngilaq, malunnaatilimmilli pinerluttoqarsimanerani paasiniaasartut annertusarneqartariaqarput, qulakkeerniarlugu, pinerlunnerit paasineqartarlernissaat, naapertuilluartumillu kinguneqartitsisoqarnissaa. Pinerlutsaaliuinermi suliniutit pisariaqarlunnarneri avaqqussinnaanngilavut, siunissami kinguaariit toqqissisimanermik tunngavissaat pilersissagutsigu.

Pillaasarnermut inatsit eqqugaasumik qitiutitsisoq

Piumasaraarput pillaasarnermi inatsit, eqqugaasumut naapertuilluartoq, persuttaanikkut kanngutsaatsuliorfigineqarnikkut eqqugaasunut. Pillaaneq inummut aamma inuiaqatigiinnut ungasinnerusoq eqqarsaatingalugu malitsigisaanut naapertuutissooq.. Naapertuilluarneq nukittuumik Naalagaaffeqatigiinnermut tunngaviuvoq.

Illersornissamut attaveqaasersuinermilu pisariaqavissunut periussiaq

Nunatsinni sakkutuulersorluni illersorneqarnerup ineriartornera pillugu oqaloqatigiinnerit ingerlanneqarnissaat pisariaqarpoq. Qulakkeerinnissaagut illersorneqarnermi suliat ingerlanneqarnerini tunngavigineqassasut attaveqaasersuinermi pisariaqavissut (umiarsualiviit, mittarfiit, peqqinnissaqarfiit aamma digitaalimik attavilersuutit) tulluuartumillu inissiisoqarnissaa periusissiorlugu. Tamatumap malitsigissavaa erseqqarissumik pingaarnersiutinissaq, sakkutooqarfiit atortulersuutaallu sumiiffinni illoqarfinnut inoqarfinnullu annikinnerpaamik sunniuteqarnissaat pillugu, tassuunakkut qulakkeerumallugu illersornissatta pitsanngorsarnissaa inoqarfiunerpaanut artukkersunngikkaluarluni.

Inuussutissarsiutinut suliffissanullu periusissiaq

Sakkutuulersorluni illersornerup nunatsinniinnera sumiiffinni iluaqutigineqassaaq.
Sulissutigissavarput sakkunut imassaliorfimmik (minnernik kaliberilinnut)
pilersitsisoqarnissaanik aammalu Kalaallit Nunaanni imarsiornikkut
sakkutooqarfiliisoqarnissaanik, tassuunakkut nunatsinni suliffissanik pilersitsisoqassammat,
inuussutissarsiornermilu tunngavitsinnik nukittorsaataassalluni.

Sakkutuujusussaatitaaneq Issittumilu tunngaviusumik ilinniarneq

Takusinnaavarput maanna Issittumi tunngaviusumik ilinniarneq soqutigineqarluartoq.
Atassummiit misissorusupparput Kalaallit Nunaanni sakkutuujusussaatitaanerup
atuutilersinneqarsinnaanera. Inuusuttorpassuit sulii ilinniakkamik aallartitsisimanngitsut
periarfissikkumallugit pissuserissaarnissamik, aalajaatsuunermik inuunermilu
ingerlariaqqinnissaanut tunngavissilluarumallugit.

Nunarsuarmioqatigiinni niperput, piorsarsimassutsikkullu naligiinneq

Nunat tamalaat akornanni isumaqatigiissutit, nalunaarutit assigisaallu Danmarkimut atortussanngortinneqarsimasut, Atassummit naalagaaffeqatigiinneq aqqutigalugu nunarsuarmioqatitsinnut nipi ersarissiq atorlugu sulissaagut.

Kalaallit Nunaat eqeersimaarluni peqataassaaq

Issittup avannaani silap pissusaata allanngoriartornera ilutigalugu suliniutit annertusarneqartariaqarput, qulakkeerneqassappullu issittumi inooriaasitta tunngaviusumillu inuttut pisinnaatitaaffiit nunarsuarmioqatitsinniit ataqqineqarnissaat.

Kinaassutsimik illersuineq silallu pissusaa

Issittup avannaani silap pissusaata allanngoriartornera ilutigalugu suliniutit annertusarneqartariaqarput, qulakkeerneqassappullu issittumi inooriaasitta tunngaviusumillu inuttut pisinnaatitaaffiit nunarsuarmioqatitsinniit ataqqineqarnissaat.

Assigiinngisitaartunik inissaqartitsineq piorsarsimassutsikkullu kingornussat

Aningaasaateqarfimmik pilersitsisoqarnissaa sulissutigissuarput, qularnaarumallugu piorsarsimassutsikkut immikkuullarissusitta, nunasiaataanerup nalaani piuneerutsinneqaleraluarsimasut, pigiinnarnissai aammalu ineriartortinneqarnissai. Misilittagalinnit-ilinniartoqartarnermut aaqqissuussinerit, naalagaaffimmiit aningaasalersorneqarnissaat qulakkiissavarput, tassuunakkut ileqqutoqqanit ilisimasat soorlu qilaatersortarneq, qamusiortarneq imaluunniit qaanniortarnerit assigisaallu inuutissarsiutitut akuerineqarnissaat inuuniutigineqarsinnaalersillugit.

Nalunaarsuutit tutsuiginartut

Piviusut tunngavingalugit politikikkut aalajangertarnerit pisassapput. Nunatsinni naatsorsueqqissaartarfiup Danmarks Statistikillu ukiuni arlalinni atuuttussamik isumaqatigiissusiorfigineqarnissaa piumasarissavarput, nalunaarsuutit eqqoqqissaartut sanillersuunneqarsinnaasullu qulakkeelumallugit, taakkuummatami naligiinnermik pilersitsinissatsinnut ammaassisussat.

Peqqinnissaq, Akuutitsineq Tarnikkullu qajassuuttariallit

Peqqinnissamut atugarissaarnissamullu aningaasalersuinerit

Naalagaaffik qanimut suleqatigalugu peqqinnissaqarfiup ilorraap tungaanut kivinneqarnissaa aammalu peqqinnissaqarfimmi teknologi telemedicinillu aningaasalersorneqarnissai siunertaralugit isumaqatiginninniassaagut

Pinngortitaq aqqutigalugu sianissutsikkut peqqissuuneq

Issittumi pinngortitap qanoq sianissutsikkut peqqissutsimut nukittorsaataasarnera pillugu ilisimatusaatigineqarnissaanut aningaasalersuisoqarnissaa sulissutigissavarput.

Katsorsaariaatsit uagut inooriaasitsinnut kulturitsinnullu iluaqutaasut akuerineqartariaqarput avataaniillu atortussanngortitaasarnerit aporfilersuisuussanngillat.

Inuiaqatigiit tamatsinnut

Atassutip Naalagaaffeqatigiinneq akuutitsiviusoq inissaqartitsiviusorlu ilungersuutigerusuppaa, qanoq suaassuseqarneq, qanoq kinguaassiornermi atugaqartuuneq, qanoq inuiaassuseqarneq qanorlu upperisaqarneq apeqqutaanatik. Piumasaraarput sakkortuumik arnanut meeqqanullu persuttaasarnerit akiorniarlugit suliniuteqarfiginissaat.

Suleriusissarput - Anguneqarsinnaasunik akisussaassusilimmik kinguneqartitsisassaagut

Marsip 24-iani qinersisoqareerpat Atassutip, naalackersuinikkut nukiit nutaat pilersissavai. Folketingiliassanngilagut nipituulioriartuinnarluta, angusaqarnerpaarusuppugulli:

- Siunnerfilinnik isumaqatiginninniarnikkut siammasissumillu politikkikkut isumaqatigiissusiornerit patajaassutsimik pilersitsissapput.
- Eqeersimaarluni ataatsimiititaliani sulinerimik atorluaanikkut aningaasanullu inatsisip isumaqatigiinniutigineqarnerini nunatta ineriartortinnissaanut aningaasaliissutinik qulakkeerinninnikkut.
- Iliuseqarnissamut piumassuseq oqaatsinit anginerusoq: Oqallinnerni siunnerfeqarluta akuussaagut, aaqqiissutinik tigussaasunik ulluinnarnilu malugineqarsinnaasunik anguniagaqarluta

Sooq ATASSUT qinissavara?

Neriorsuutigivarput akisussaassusilimmik anguneqarsinnaasunillu aningaasaqarnikkut isumatusaarneq inuullu paasisimasaai ataqtigiisillugit suliaqassalluta. Folketingimi pisinnaatitaanerput atorlugu ataqqeqatigiinneq, toqqissisimaneq pitsaanerusumillu siunissamik pilersitsinissamut piumassuseqarneq tunaartaralugit Naalagaaffeqatigiinnermik qulakkeerinnissaagut.

**Naligiimmik Naalagaaffeqatigiinneq,
Kalaallit Nunaat toqqissisimanarnerusoq
ATASSUT qineruk!**